



Austebrygd barnehage,
5939 Sletta

18. september 2019

Til heimane i barnehagen.

Informasjon om organisering og ansvars-fordeling av ulike oppgåver i barnehagen, m.m.

Styrar (*Vigdis Villanger*) har det overordna ansvaret for barnehagen og personalet. Ho tek seg av alle formelle saker som søknader, ulike endringar i tilbodet, oppseilingar, ansvar for at det vert laga årsplan for barnehagen, osv. Styrar- / rektorkontoret er i skulebygningen, foreldra er velkomne inn om/når det er saker de vil snakka med styraren om.

Inspektør (*Linn Merete Myrtveit*) og styrar deler på arbeidet med dei administrative arbeidsoppgåvene i barnehagen.

Pedagogisk leiatarar *Magnhild Nøttveit* (*i den eldste barnegruppa*) og *Iren Vestheim* (*i den yngste barnegruppa*).

Saman med dei andre tilsette, har ped.leiarane ansvar for det daglege opplegget i barnehagen. Etter innspel og samarbeid med styrar, dei andre tilsette og med foreldra - lagar ped.leiaren også planar for tema-/satsingsområde for barnehageåret.

Ped.leiarane lagar til vanleg månadsplanar og månadsbrev til foreldra med oversikt over det ein vil driva med i den komande månaden + litt tilbakemelding om korleis det har gått, og event. spesielle ting barnehagen har vore med på i forrige månad.

Barnehagelærarar *Mette Rosenlund* samarbeider ekstra tett med den pedagogiske leiaren, Magnhild, og deler på nokre av dei oppgåvene oppgåvene barnehagelærarane har spesielt har ansvar for.

Fagarbeidarar *Janne-Marie Rath, Ingrid Rikstad og Sissel Soltveit* har saman med ped.leiarane og barnehagelæraren ansvaret for «dagleglivet» i barnehagen.

Lokal årsplan.

Alle barnehagar skal kvart år laga **ein lokal årsplan**. Denne skal godkjennast av Samarbeidsutvalet (SU). (Austebrygd har felles SU for barnehagen og skulen). Når Austebrygd barnehage sin årsplan er ferdig og godkjent i SU hausten 2019.

Møte/samarbeid

Styrar/inspektør og ped.leiar samarbeider og informerer kvarandre om praktiske og pedagogiske saker vedrørande barnehagedrifta. Me har m.a. faste møte ein gong pr. veke.

Ca. ein gong pr. månad har alle dei barnehagetilsette eit felles avdelings-/ personalmøte der ulike aktuelle saker vert tatt opp, m.a. vil me arbeida med «Utviklingsplanen» og «Inkluderande barnehage- og skolemiljø».

Felles administrasjon for skule/barnehage, gjer at me m.a kan tilretteleggja bruken av ulike rom, særskilt kjøkken og gym.sal, slik at det passar inn i barnehagen sin rytme. Me vektlegg også å få til ein del felles aktivitetar i skulen/barnehagen. (Sjå meir om dette lenger ute i dette info-skrivet.)

Opningstid

Ordinær opningstid i barnehagen er **kl. 07.30 – 16.30**.

Ved skriftleg påmelding kan foreldra **gjera avtale** med styrar om tidlegare oppstart for barnet sitt (ml. 07.00 -07.30).

NB! Det er viktig at oppmøtet til dei som har meldt seg på til tidleg-opning (ml. kl. 07.00 og kl. 07.30) skjer til det avtalte klokkeslettet. Personellet har arbeidstidene sine ut frå påmeldingane til morgen-opning.

Personalbemanninga her er også planlagt ut frå dette.

Også for dei som begynner i barnehagen ved ordinær opningstid, kl.07.30 – er bemanninga planlagt ut frå dette klokkeslettet.

Maks oppholdstid i barnehagen er alltid 9 timer pr. dag.

Samarbeid med skulefritidsordninga.

SFO - tilbodet om morgonen vert organisert i samarbeid med barnehagen, og dei barna som skal på morgen-SFO, møter alltid opp i barnehagen. Også om ettermiddagen, er det samarbeid mellom SFO og barnehagen, frå ca. kl.15.30.

Felles arrangement mellom skulen og barnehagen.

Ein fredag i månaden har skulen og barnehagen felles månadssamling i gymsalen, der elevane i ein av klassane har program og resten av elevane + barnehagen er publikum.

Måndagane før jul har me adventssamlingar i gym.salen, og ein av desse adventssamlingane har barnehagen ansvar for.

Skulen og barnehagen har både juleavslutning, påskekafè og sommarfest i lag. Ein dag i februar inviterer 7.årstrinn på skulen både barnehageborn, elevar og tilsette på felles lunsj i gymsalen.

Elevar frå mellomtrinnet (5.-6.årstrinn) skal gjennom skuleåret vera i lag med 4 og 5 åringane ca. annakvar tysdag. Oppstart vert tysdag i veke 43 , elevane vil ha fokus på å lesa til barnehageborna, - leika i lag, eller vera i gym.salen - kan også vera aktuelt.

Førskulegruppa i barnehagen har eit samarbeid med 6. årstrinn på skulen – som ein del av skuleførebuinga si. Dette startar me opp med rundt påsketider. Kontaktlærarane på mellomtrinnet - og elevane - vil i lag med pedagogisk leiar laga planar for dette.

*Vigdis Villanger
styrar*